

成實論卷第四

丙四

訶 梨 跋 摩 造
姚秦三藏鳩摩羅什譯

非彼證品第四十

答曰不然四大是假名汝雖言阿毗曇中說堅相是地種等是事不然所以者何佛自說堅依堅是地非但堅相是故此非正因又汝說色等從四大生是事不然所以者何色等從業煩惱飲食姪欲等生如經中說眼何所因因業故生又說貪樂集故色集又如阿難

教比丘尼言姊是身從飲食生從愛慢生從婬欲生故知色等非但從四大生問曰色等雖從業等生四大亦應爲少因如由業故有穀此穀亦假種子等生如是眼等雖從業生四大亦爲少因答曰或有物無因緣而生如劫盡已劫初大雨丙四是水從何所生又諸天所欲應念即得如坐禪人及大功德人所欲隨意是事有何等緣非但業耶又如色相續斷已更生若人生無色界還生色界是色以何爲本問曰何故有物但從業生何故有物待

外緣生答曰若有衆生業力弱者則須種子衆緣助成業力強者不假外緣又法應爾或有業或有法或有生處但業力得不須外緣又若須因緣應該種子是芽等因何故乃說因堅等生又以何義故從堅等生色等不從色等生堅等耶又堅等色等共俱生故云何言因堅等有色等不因色等有堅等又一時生法則無相因如二角俱生不得言左右相因問曰如燈明雖一時生亦說明因於燈非燈因明是事亦爾答曰燈與明不異燈以二

法合成一色二觸色即是明故不得異燈汝不諦思此喻問曰是明從燈去在餘處是故應異答曰不在異處此明色現見在燈中若在異處離燈亦應見而實不見當知是色不異燈也問曰更有一時生法亦爲因果如有對中識以眼色爲因緣非眼色以識爲因緣答曰不然眼識以前心爲因眼色爲緣因心先滅云何俱生又若法隨所因生即是因成若心因情塵有即是因所成法復次四大即是造色以因所生故又現見世間物從似因

生如從稻生稻從麥生麥如是從地生地不
生水等如是從色生色如是等問曰亦見有
物從異因生如倒種牛毛則有蒲生種角葦
生答曰我不言無從異因生但說似因中亦
生故言從色等生色等不但從四大生是故
不得定言色等從四大生又汝言以堅等示
四大是故堅等是實大者此事不然所以者
何以堅等相定可以分別四衆軟等不定或
在多堅衆中或在多濕衆中故不可以分別
諸衆餘亦如是又於堅等觸分別名爲軟等

何者若以濕亦以生性柔軟細滑以堅相多
故堅軟麤澀如是等是故但以堅等分別四
衆又如經中說以依堅故示四大差別故知
依堅法名爲地種非但堅相故說堅相是成
地因又於成地中堅是勝因是故別說餘相
亦爾又爲作名字所有堅依堅皆名地種或
三四有人但說堅相爲地種爲破是故佛說堅依
堅爲地種餘亦如是又堅相衆中以堅多故
有二種語一切衆中皆有堅等諸觸若堅依
堅名爲地種若濕依濕名爲水種若熱依熱

名爲火種又堅是成地勝因故於中名地成假名因緣中有假名名字如說我見人伐林又汝言有二種語是事不然若隨說種是實者則十二入等不應是實是故因眼緣色有眼識生是則非實以不說種故是爲邪論又佛入火種定從佛身出種種燄色是中何者爲火種以色等成火非但熱相又佛說是身名鑿於中但盛髮毛爪等如經中說是身中有髮毛爪等以是故髮毛爪等是地種不以有種語故名爲實法又種子經中說若有地

種無水種者諸種子不得生長是中何者是地種謂假名非但堅相水亦假名非但濕相又一法二種亦實亦假名是不可得是故色等是實又眼等假名故有諸大亦實亦假名者則是邪論又六種經中佛說髮毛爪等名地種又象步喻經中亦說髮毛爪等爲地種又以何義故說種是實不說種是假名又此義非經所載又汝言佛說眼形中所有堅依堅是地等者佛以此言示五根因四大成或有人說從我生根或謂離大別更有根有

說諸根種種性生謂從地大生鼻根等佛斷此故說眼等根四大合成空無實法又分別成假名因緣假名亦無又此肉形中有四分堅依堅等佛以是語示諸物中有從四大生者又汝言佛不說風中有依故名實大者是事不然所以者何風中輕是勝相非依輕法地等中依堅法等勝風則不然又依輕法少餘法是故非一切物中盡有四大如有物無味如金剛等有物無香如金銀等有物無色如溫室等有物無熱如月等有物無冷如火等有物相動如風等有物無動如方石等如是或有物不堅或有物不濕或有物不熱或非謂異物相依若法相異則不名依即是相

丙四

離問曰生則即是不名爲依依名異物來依答曰名字爲依非異物相依以生法差別故如言虛空徧至實無所至又汝言四大共生者是事不然如日光中但有色及熱觸可得更無餘法月光中但有色及冷觸可得亦無餘法是故非一切物中盡有四大如有物無味如金剛等有物無香如金銀等有物無色如溫室等有物無熱如月等有物無冷如火等有物相動如風等有物無動如方石等如是或有物不堅或有物不濕或有物不熱或非謂異物相依若法相異則不名依即是相

有物不動是故四大非不相離問曰以外因緣諸大性發如金石等中有流相待火則發

水中有堅相因冷則發風中有熱相因水火

則發草木中有動相得風則發是故先有自性假緣而發故知四大不得相離若本無性

丙四

五

云何可發答曰若爾風中或有香香應在風

中如香薰油應在油中是事不然又不從諸大生造色如從濕生濕如是從色生色又若不相離則因中有果如童女有子食中有不淨等我等不說因中有果雖乳中無酪而酪

從乳生如是何用憶想分別謂四大共生不相離耶

明本宗品第四十一

汝先言我等不說四大與色若一若異是故無咎者是事不然所以者何諸外道欲成我故以四大一異爲喻故佛於假名中以四大爲喻故說四大義若不爾則不應說世間皆自然知地等四大而不了實性是故爲說不說手等若以堅等爲四大者何所利益又汝言依義二種謂諸大是實者此事未了當知

是依義異謂假名是又汝言隨俗言說非實大者是事不然所以者何若經書若世間中不以無因緣故於色等中作四大名字如世間言我見人於色等中說人名非無因緣若無因緣強作名者見馬應名爲人而實不然又以何故不於聲中說名爲地世人常說地聲終不說聲是地若無因緣強作名者亦可名聲爲地而實不然故色等四法是地於地分中說地名字如色是成假名因於中說是事不然非但堅相能持假衆因緣餘亦如名人於樹中說名林於比丘中說名僧如是

於色等法中說四大名又汝言若六觸入若因六觸入所成是經不然如汝法中造色無所能生我法亦爾於假名中更無所生是故此經不應有若有應轉此義又汝言因四大造清淨色名爲眼者是事不然四大和合假名爲眼假名四大爲色色清淨故名爲眼又汝雖言法住法中無依無主是即爲依主以住者是依所住法爲主又汝言堅相能持等是事不然非但堅相能持假衆因緣餘亦如是是故四大是假名有

無堅相品第四十二

問曰汝說多堅色等成地大是故地等是假名者是事不然所以者何堅法尚無況假名地若泥團是堅泥團即爲軟故知無定堅相又以少因緣故生堅心若微塵疎合名爲軟密合名爲堅是故無定又一法中無有二觸令生是心身堅身軟是故無定堅相又堅軟無定相待故有如見欽拔羅以麤爲軟見麤得是堅相故名爲堅於不密中得此軟相是故無咎若法可得即名爲有又汝言一法中無二觸者是事不然我於一法中可得多觸亦堅亦軟又汝言堅軟相待故無定者是事

此因緣軟等諸觸亦皆無也
有堅相品第四十三

答曰實有堅相汝雖言泥團是堅泥團即爲軟是事不然所以者何我等無有實泥團法衆法和合假名泥團故無此咎又汝言以少因緣故生堅心是事不然我於密合微塵中丙四得是堅相故名爲堅於不密中得此軟相是故無咎若法可得即名爲有又汝言一法中無二觸者是事不然我於一法中可得多觸亦堅亦軟又汝言堅軟相待故無定者是事

不然如長短等相待亦有又如膏白石蜜味以黑石蜜爲苦嘗呵梨勒味以黑石蜜爲甘若以相待故無則味亦無問曰黑石蜜中有二種味亦甘亦苦答曰蠶中亦有二觸亦堅亦軟又汝言見石知堅是事不然不可以眼知堅以先觸故比知如見火知熱熱非可見又人見欽拔羅生疑爲堅爲軟是故非眼可見故有堅等諸觸復次實有堅等所以者何能起分別心故若無堅者何所分別又堅能與心作緣亦所作業異謂打擲等又與軟濕

相違則名爲堅又以能持因緣故名爲堅又能障礙手等故名爲堅又我等現知是堅現知事中不須因緣又以世間事得名爲堅餘亦如是故知有堅

四大相品第四十四

問曰我已知有是堅法而今見金熱則流水寒成冰此金以堅故屬地流故屬水答曰各自有相共法堅依堅是地種若濕依濕是水種等問曰金堅則爲消流水濕則爲堅冰云何諸大不捨自相如經說四大相或可變得

四信者不可得異答曰我不以堅爲流以濕爲堅但堅與流爲因濕與堅爲因是故不捨自相問曰阿毗曇中說濕是水相或有人說流是水相經中說潤是水相竟以何者爲實答曰流濕潤皆是水之別名問曰流是水業眼所見法是故流非濕潤答曰以濕潤故流濕故下是故流即是潤亦濕潤是水相流是水業問風中說輕動相輕異動異輕是觸入所攝動是色入所攝今可以二法爲風耶答曰輕是風相動是風業與業合說問曰

無有動相諸法念念滅故不至餘處以至餘處故名曰動至去動是一義故答曰我但以世諦故說名爲業非第一義因是輕法餘處法生得名爲業爾時名去問曰輕無定相所以者何以相待故有如十斤物於二十斤爲輕於五斤爲重答曰重法量法因心等法亦相待有如或有法相待故長或有法相待故短總因心故即爲相若輕法相待故無是等亦應皆無而不然是故相待非是正因又輕非相待故有以不可稱故有物不可稱如

橐囊中風是故非相待有但重法相待無有
重物不可稱者問曰若不可稱名爲輕者除
重餘色等法不可稱故皆應爲輕而不然是
故汝所說非是輕相答曰我等意離色等更
丙四
無異法名爲重色等法或有生性可稱如堅
九
不堅力無力新故相不朽消不消麤軟等亦
不離色等而有重相亦如是是色等衆若屬
地水是則可稱若屬風火則不可稱問曰若
重法不離色等者輕亦應不離色等而有答
曰然離色等無別輕法但色等衆和合爲輕

問曰不然欲分別輕重必以身根是故輕重
非是色等衆答曰如分別堅等或以眼或以
耳等此堅等物不離色等輕重亦如是雖用
身根是中更無異相又身根不觸不生身識
是重相身雖未觸亦能生識如重物雖以物
衆持亦知其重問曰非於爾時知是重相答
曰如人著衣雖不相觸亦知有力無力輕重
亦爾所以者何從種種觸生種種身識如或
因案指生堅軟識或從舉動生輕重識或從
把捉生強弱識或從觸對生冷熱識或從摩

捫生澀滑識或從揩搊生強澀識或從剝刺
或因鞭杖生異種識或有觸常在身內非如
寒熱等從外假來所謂猗樂疲極不疲極若
病若差身利身鈍懶重迷悶夢夢覺疼痺頻伸
飢渴飽滿嗜樂不樂憎等諸觸各生異識問
白若輕重相即色等衆者云何於色等中以
身識緣答曰非色等衆中用身識緣但此中
觸分以身識緣如堅不堅等雖在色等衆中
或以眼見得知又如猗樂等是色等衆亦以
身識分別是事亦爾問曰若輕重但是觸有

何咎何用分別色等衆爲答曰如世人說新
穀陳穀是新陳相應無色等而實不爾但色
等初生名爲新若此新相是色等衆重相云
何非耶問曰若色等衆即是輕重等者是輕
相在火風中則輕多色等衆應名爲風若然
火即爲風答曰隨相多者即名爲大火中亦
有輕熱相以熱多故名爲火不以輕多故名
火
火風中但有輕無熱是故但以輕爲名又我
等不但以輕爲風若輕而能爲動因故名爲
風如經中說輕動相名風於是中輕相是風

動爲風業問曰風能倒山若是輕物云何能爾答曰風麤而力強勢能如是如或有風能動小草或能頽山當知風業如是問曰今地等大皆是色香味觸衆無差別耶答曰不定知名地中有色香味觸或但有色觸如金銀等或水中有色香味觸或有三色味觸或火中有色香味觸或有三色香觸或但色觸風中或有觸無香或有香觸是故不定問曰風觸云何答曰寒熱堅軟等諸觸若隨大相續不離可知即此大觸問曰有醫言風色黑是

實云何答曰風與黑色爲因如風病人口中有辛苦味而此醫不說風中有味則風與味爲因問曰或有人說風是冷不說爲輕是實云何答曰無有名冷爲風如水雪有冷不名爲風又風冷名異所以者何如熱風及不冷不熱風才名爲風是故應依輕衆名爲風又無色觸等法生名爲風非冷爲風問曰若風有色味有何答答曰風中色味不可得若言雖有以微細故不可得者心中亦應憶想分別謂有色味是事不然又我等不說因中有

果是故若事果中可得不必因中先有是名
成四大實

根假名品第四十五

問曰眼等諸根與四大爲一爲異答曰從業
因緣四大成眼等根是故不異四大又佛分
別眼作如是言眼肉形中所有堅依堅名爲
地種故知諸根即是四大所以者何但分別
堅等更無有眼佛欲令人知眼空故作如是
說若不爾應眼中別有堅等若堅等中別有
眼雖分別堅等則無所益是故諸根不異四

大有六種經中說六種是人若諸根異四大
則眼等不名成人因緣因色等成四大聲亦
是成人因緣但六種中假名爲人故知諸根
不異四大又比立問佛何等爲眼佛答曰
大成色不可見有對是名爲眼故知不異口
大是比丘利根有智於眼等根深生疑世間
皆知見色是眼乃至亦知觸是身是比立於
眼等根中生有無疑所以者何或有諸師說
五性爲五根或說一性是比丘欲試觀佛法
故問佛佛欲示五根皆屬四大答言比立是

眼因四大所成色不可見有對若法有實則非因成因假名法更成假名如因樹成林問曰或有人言色成就名爲眼是實云何答曰若成就不成就四大從業因生名眼等根若不爾是比丘於眼等根中疑終不可斷所以者何佛爲說眼等諸根因四大造是故此比丘知無實眼法故知眼等不異四大又佛處處分別四大示眼空故如說以慧不戲論者謂觀此身分別六種堅依堅名爲地等如是厭離五種但有一識亦如屠牛喻象步喻經

丙四
中分別四大更無有眼若別有眼應更分別又和蹉等諸論議師亦作是說以無過故應當信受問曰五根與四大異所以者何眼等眼等入攝四大觸入所攝又眼等爲內入四大爲外入眼等爲根四大非根又眼等是造色成就四大不爾故知諸根非是四大答曰隨因緣故即事異說如信等五根亦名行陰若四大從業生眼等所攝亦名內入亦名爲根又四大即是成就如輪等成車輪即是車是事亦爾問曰不然如心清淨名爲信信異

心異是事亦爾答曰不然如因清水珠水即爲清水清即是水如是得信珠則心池淨是心淨即是心又我等於此論中不說從心有異信是故此喻非也又根是假名於成假名因不得言異問曰亦不得言一答曰四大成就中假名爲根丙四亦不但名四大爲根故知諸根不異四大

分別根品第四十六

問曰是諸根中何大偏多答曰無有偏多問曰若諸大等何故有能見色有不能者答曰

皆從業生從業生屬眼四大力能見色餘根亦爾問曰若從業生何故不以一根徧知諸塵答曰此業五種差別有業能爲見因如施燈燭得眼根報聲等亦爾業差別故根力有異問曰若是業力何假諸根但應從業生識能取諸塵答曰不然現見無根則識不生所以者何如盲者不見龍著不聞現見事中因緣無用此非難也又法應爾若無諸根則識不生外四大等無根不生法應假此又以諸根嚴衆生身故從業生如以得穀因緣業故

穀生亦假種子芽莖枝葉次第而生此亦如是問曰心何故不爾如眼識以眼爲根亦因次第滅心心但以次第滅心爲根更無有如眼等根處應該因緣答曰定有五塵定有五識心不如是又心法應爾但以次第滅心爲根更不須餘如過去未來法雖無而意能緣心心法亦如是此事亦然又是事與汝法同沒法色等塵中識待根而生待次第滅心意識得生問曰若意識更無根者爲依何處答曰依四大身問曰無色界復何所依答曰無

色界識無所依法應如是無依而住所以者何根差別故意識能知有無若有色則依無色亦能住故無色界亦無依而住又衆緣合故識生如經中說因意緣法則意識生此何所依非如人依壁等一切諸法皆住自性

根等大品第四十七

問曰諸外道說五根從五大生是實云何答曰無也所以者何虛空無故是事已明是故不從五大生也問曰諸外道言眼中火大多所以者何以業因故因施明得眼如經中說

施衣得色施食得力施乘得樂施燈得眼是故眼中火大多又眼假明能見離見離明則不見故知火大多又火能遠照眼有光故能遠對色又言人死眼還歸日故知日爲本性又眼定能見色色屬火故還見自性如是虛空地水風等隨根偏多人死耳根還歸虛空耳定能聞聲聲屬虛空餘亦如是故根中諸大應有多少答曰汝言似業因者是事不然所以者何或見有果不似業因如說施食得五事報又若眼中明多則應不假外明如燈

燭等又若眼假外明故名火多者則耳等根中空等亦應多不假外空等而實假外是故非因又水能益眼如人洗眼眼即明了則應水多又火能壞眼如日光等若是自性不應自壞故知非火又天眼離明亦能見色是故眼不屬火又月明中亦得見色月非火性又眼法能爾或有眼待明能見有不待明而見如眼得空等因緣雖不到色而能遠見眼法如是不應憶想分別謂火大多又汝言離明則不見者若離虛空憶念及色亦不能見則丙四十五

虛空等亦應皆多又非一切眼皆假外明如鷄鵠等禽貓狸等獸不假外明亦能得見故非火多又火是明照常有熱相眼不如是若以言眼有光明能達對色是事已破眼無光故若言還歸於日眼則是常又日等非根眼何故歸也又若日死日根及日復何所歸是故不然又上天死時眼何所歸上無日故又虛空無作則無所歸又諸根無去以有爲法念念滅故汝言眼定能見色色屬火故還見自性是事不然無用因故聲屬空等亦如是

是故汝言於五根中諸大偏多是事已破問曰有論師言一根一性地中求那多故有香能發香知水火風中有味色觸故能發味色觸知是實云何答曰我先說不定地中有香餘物亦有是故非因又諸大合生不見有地離水等者若地有香故能發香知亦應發色等知以地中具四求那故問曰香但是地有鼻屬地故觸能知香答曰地之求那但是地有鼻應盡知又水但有冷觸火但有熱觸應以舌眼能知而實不然又無陀羅驃故則無

有根又諸根力用與塵合故生知和合已破
則無根用是故無有一性爲根
根無知品第四十八

問曰諸根爲到塵故知爲不到能知答曰非
根能知所以者何若根能知塵則可一時徧
知諸塵而實不能是故以識能知汝心或謂
根待識共知不離識知者是事不然無有一
法待餘法故能有所作若眼能知何須待識
又若根能知應當分別是爲根業是爲識業
問曰照是根業知是識業答曰此非分別云

丙四

何名照汝法中耳等諸根非是次性不應能
照若諸根於識如燈者今諸根更應有照者
如燈則照復有照如是無窮若更無照者但
根能照亦應無根但識能知是故照非根業
又根非能知如燈能照而不能知必能爲識
作依是名根業是故但識能知非諸根也若
有識則知無識則不知如有火則熱無火則
無熱當知從火有熱問曰經中說以眼見色
不應取相耳等亦爾故知眼能取色又眼等
名根若不能知何以名根又經中說我諸第

子於微細事能知如眼所見若眼不能見佛
諸弟子則無所見是事不可是故諸根定能
取塵又以根取塵以識分別是則根識有異
答曰經中佛自說眼是門爲見色故是眼
丙四
非能見以眼爲門識於中見故言眼見問曰
亦說意是門爲知法故可以意爲門而非知
乎答曰意亦以次第滅心爲門是故意不能
知意識能知又經中佛說眼欲好色眼即是
色性無分別故實不欲也是識欲耳又佛說
眼所識是色識能識色眼實不識又世間人

以世俗故說眼能見耳能聞佛亦隨說何者
但色可見餘不可見佛亦說見貪欲等過又
世間言月盡佛亦隨說如貧賤人字爲富貴
佛亦隨名佛意不欲與世間諍如摩伽羅母
等是故當知隨世詰故佛說眼見問曰世間
何故作如是語答曰隨眼識所因於是因中
說名爲見如說彼人見此人見如說人作罪
種等諸佛天神見又如說以左眼見右眼見
又說以日明見月明見或虛空見或向中見
若門中見如煮物中言此人者彼人者或言

以草木薪煮牛糞煮油煮酥煮火煮日煮實
是火煮餘假得名如是但識能見眼得其名
又是語不盡應言以眼明見色又眼是人所
用具人是假名作者應用具又因眼識見
名爲眼見如牀上人笑名爲牀笑又眼繫識
業故中說識業如手足等繫在於人是中人
業名爲手業又眼識因眼因中說果如言某
人燒某聚落如言食金名金爲命草爲牛羊
是皆因中說果如是從眼生識能見色故名
爲眼見又識近眼見色便名眼見如牧牛近

水便言在水又以眼故分別眼識是故眼中
置眼識業如杖婆羅門又眼能成眼識是故
於中說眼識業如財物損減名人損減財物
增長名人增長又眼識與眼和合故能見名
爲眼見如木與人合而能打名木人打如墨
染合衣故名墨衣又諸法互說如慧業於受
丙四等中說又應言以眼識見色略中語故但言
眼見又如藥石隨一受名汝言若不能見何
以名根今當答汝眼等五法勝餘色等故名
爲根問曰眼等五法與餘色等此十法俱不

知塵如離眼等則識不生若離色等識亦不生以何爲勝答曰以諸根故識得差別名眼識耳識等如鼓與桴合而有音以鼓勝故名曰鼓音如地與穀等合而生芽以穀勝故名爲穀芽諸識亦爾隨所依處得差別名不以緣故若說色識則容生疑爲是眼識爲是緣是又根是因塵是緣所以者何以根異故識有差別不以塵故如種是因地等是緣隨種異故互有差別因勝緣故得名爲根汝言我弟子於微細事如眼所見是隨俗語世間人眼中說見故言如眼所見如佛說偈明達近智如舌知味舌雖不知不同瓢杓意依於舌生舌識故言舌知味依眼生識名爲眼見故根是衆生數非塵又根不通利則識不明若

根清淨則識明了又以識根上中下故識隨差別以此等緣故名爲勝又根是不共一座可得多人共有又根與識一業果報塵不如是又根是因塵是緣所以者何以根異故識有差別不以塵故如種是因地等是緣隨種異故互有差別因勝緣故得名爲根汝言我弟子於微細事如眼所見是隨俗語世間人眼中說見故言如眼所見如佛說偈明達近智如舌知味舌雖不知不同瓢杓意依於舌生舌識故言舌知味依眼生識名爲眼見故根是衆生數非塵又根不通利則識不明若

言佛弟子如眼所見汝言以根取塵以識分別是事已答根無知故又汝等不說根思惟知我有差別相是故諸根不能取塵又汝等諸知不待根生所以者何大及我等先根而生又汝大等諸諦無本性故則應皆無汝法本性變爲大等本性法無是事已說是則無根

根塵合離品第四十九

問曰汝言識能知非根知是事已成今爲根塵合故識生爲離故生耶答曰眼識不待到

故知塵所以者何月等遠物亦可得見月色不應離月而來又假空與明故得見色若眼到色則間無空明如眼範觸眼則不得見當知眼識不到而知耳識二種或到故知或不到而知耳鳴以到故知雷聲則不到而知餘三識皆到根而知所以者何現見此三根與塵和合故可得知意根無色故無到不到問曰汝言眼色不到而知是事不然所以者何眼中又有光是光能去見色光是火物眼從火生火有光故又若不到能見何故不見一切

色耶以眼光去有所障礙不徧到故不見一切又經中說三事和合故名爲觸若不到者云何和合又五根皆是有對以塵中障礙故名有對鼻香中舌味中身觸中眼色中耳聲中若不到則無障礙又現在五塵中知生是故五識到故能知若不到能知亦應知過去

丙四
三十一

知到故可聞又聲順風則了逆風不然故音聲到故可聞又聲可盡聞若不到而聞不應盡聞如色不到而見故不盡見故知聲不同色若不到可聞則與色同如色一分見餘亦待明故見聲亦應爾而實不然故不到不聞汝言耳等根塵不到而知是事不然聲香

故知以到故聞又聲可遠聞若不到聞則無遠近又聲以壁障則不可聞若不到可聞雖障亦應聞又聲遠聞則不了近聞則了若不到而聞則無差別以到耳故有是差別故知音聲到故可聞又聲順風則了逆風不然故知到故可聞又聲可盡聞若不到而聞不應盡聞如色不到而見故不盡見故知聲不同色若不到可聞則與色同如色一分見餘亦待明故見聲亦應爾而實不然故不到不聞汝言耳等根塵不到而知是事不然聲香

味觸應來到根若令根去是事不然以耳等根無光明故但一火大有光是故不去有聲若厚濁物及水等障耳亦得聞若有光根不能如是故知耳根無光又耳於闇中亦能知塵若有光根闇則不知又有光根待方能知^{西四}能見一方不能^{十一}一時徧知諸方如人東向則見東方色不見餘方有說意能去是故到塵能知如經中說是心獨行遠逝寢藏無形又是心散行如日光照又是心動動如魚失水又是心本隨意行等是故六塵皆到故知答

曰汝言光到是事不然所以者何如人遙見杌樹疑謂是人若光到者何故生疑又太近眼則不得見如眼着藥籠則不能見故光雖去以太近故亦不應見又眼離明則不能見太近則明壞又若光到彼何故見麤不能細辯又見色中有方差別謂東西方色亦有遠近差別若眼到故知則無差別所以者何香味觸中無是差別是故眼光不到而知又眼光若先見已復何用去若先不見去何所趣又近色遠色一時俱見去法不爾是故眼光

不去又若眼光去中道應見諸色而實不見故知不去又光去者光則離身不名爲根如指斷離身則無身覺又不見有眼能捨自依以無比類則爲非因又此眼光無能見者則爲是無問曰有此眼光以日光明映故不見如日光中衆星不現答曰若爾夜則應見問曰色法要假外明乃可得見夜無外明所以不見答曰若此光晝夜俱不可得是則竟無可見問曰貓狸鼠等諸夜行蟲眼光可見答曰是可見色住貓等眼中如螢火虫明色在

身非是光也又如夜行蟲闇中能見人不能見然則但彼有光餘物則無法自應爾又汝言若不到能見應見一切色者若色在知境是則可見如經中說若眼不壞色在知境如是則見問曰云何名在知境答曰隨色與眼合時名在知境十四問曰若眼不到有何合時答曰是事亦同如汝眼去到色或有能見或不能見如眼到日能見日輪而不見日暉我亦如是眼雖不去若色在知境是則能見若不在知境則不能見問曰眼光遠去以勢極故

不見日業答曰若以勢極故不見細業者日輪量麤何故不見是事不然又若光到彼能見者何故見遠日輪而不見彼巴連弗等近國邑耶若沒意謂巴連弗等不在知境故不見者我眼不到亦以色不在知境故不能見問曰已知諸色在知境故可見今云何可見云何不可見答曰世障故不見如過去未來色映勝故不見如日光明蔽諸星宿及珠光明等不顯故不見如夜中火可見餘不可見地勝故不見如以初禪眼不見二禪色闇障

故不見如闇中瓶神力故不見如鬼等身厚濁障故不見如山外色遠故不見如餘世界太近故不見如自眼睽次未至故不見如光中塵可見光外則不見細故不見如樹杌似人不可分別多相似故不見如一粒米投大聚中又如一鳥入鳥群中與上相違名在知境問曰云何名眼壞答曰風熱冷等衆病所壞若風壞眼則見青黑旋轉等色若熱壞眼則見黃赤火焰等色若冷壞眼則多見白池水等色若勞壞眼則見樹木動搖等色疲倦

壞眼則見色不了偏案一眼則見二月鬼等
所着則見恠異罪業力故則見惡色福業力
故見淨妙色熱氣壞眼則見焰等色又衆生
得眼不成就故見不見足又眼生膚翳蔽故
不見若眼根壞故不見是名眼壞與上相違
名爲不壞耳等諸根亦應隨義分別問曰已
知五塵在知境故可知法塵云何名不在知
境答曰上地故不知如初禪心不知二禪已
上法根勝故不知如鈍根心不知利根心中
法人勝故不知如須陀洹不知斯陀含心中

法力差別故不知如有意識於此法無力以
是意識不知此法如攝心意識所知法亂心
意識所不能知如辟支佛意力所知法聲聞
意力所不能知佛意力所知法聲聞辟支佛
意力所不能知如上品法下品意識所不能
知又如細微法塵不可得知如阿毗曇中說
何等心可念謂了了者先所經用者可念非
不經用者如生死人先所用法能念未用則
不念聖人若經用若不經用聖智力故皆悉
能知又勝塵故知如用色界心知欲界法又

到障故不知如身見心緣五陰不見無我無常苦亦如是又力障故不知如鈍根人利根障故令心不知與上相違名在知境問曰云何名意壞答曰狂顛鬼着憍逸失心或酒醉或藥迷悶亂心或有貪恚等煩惱熾盛放逸壞心如迷婆伽^{丙四}捕魚師等或刪^{甲四}若婆病能破壞心又老病死亦能壞心若心在善法若不隱沒無記法中是名不壞如是等因緣故雖有諸塵而不能知是故汝言若不到能見何故不見一切色者是事不然又汝言三事和

合故名觸者隨根知塵時則名爲觸不必相到所以者何意根亦說三事和合是中不以相到故名爲觸又汝言以相到故名有對者是事不然已說非對相故又汝言現在知生者第六識亦有但知現在如他心智又汝言衆緣合故知生者第六意根中已答謂隨所知塵時名爲和合又因意緣法意識生此言則空以不到故又以決定故名和合眼識但依眼不依餘亦不無依但緣色不緣餘亦非無緣乃至意識亦如是

成實論卷第四

音釋

丙
四

斗五

葦	<small>羽鬼</small>	更	魚孟	切	篋	<small>苦協</small>	切	橐	<small>蒲拜</small>	切	與
也	切	鞭	堅	也	篋	<small>苦協</small>	切	橐	<small>蒲拜</small>	切	與
革	囊	旨	告	洽	切	齊	搘	搘	箱	羈	同吹火
也	也	指	木刺	也	搘	搘	搘	搘	子禮	切	排也
剝	効	銜	切	銅	也	刺	銅	銅	女角	切	按也
七	賜	切	直	傷	也	刺	銅	銅	切	刺	効
瘡	必	至	切	直	傷	也	刺	銅	銅	徒亘	切
濕	必	至	切	直	傷	也	刺	銅	銅	莫亘	切
病	也	足	懵	莫孔	切	也	刺	銅	銅	不明	也
		昏	闇	也	鷄	鷄	鷄	鷄	鷄	赤脂	切
		休	鷄	也	鷄	鷄	鷄	鷄	鷄	許心	

永樂北藏

成實論

第一一九冊